

**AKTI I THEMELIMIT DHE STATUTI I
SHOQERISE ME PERGJEGJESI
TE KUFIZUAR “Menzy” sh.p.k.**

Themeluesit me poshtë:

- **Mentor Toma**, i biri i **Ferit-it**, i datëlindjes **06-08-1986**, banues ne **Tirane shtetas Shqiptar** identifikuar nga letërnjoftimi elektronik nr. 033903909 , dhe ID. I60806003A qe ne vijim do te quhet “Ortak”.
- **Zyhni Dika**, i biri i **Ismail-it**, i datëlindjes **15-07-1989**, banues ne **Tirane shtetas Shqiptar** identifikuar nga letërnjoftimi elektronik nr. 032498545 , dhe ID. I907150140 qe ne vijim do te quhet “Ortak”.

Sot me date 23-08-2021, bazuar në vullnetin e tyre te lire dhe ne përputhje me ligjin Nr.9901, date 14.04.2008 “Për tregtarët dhe shoqëritë tregtare”, vendosen te themelojnë shoqërinë tregtare me përgjegjësi te kufizuar sh.p.k “Menzy” sh.p.k ne baze te kushteve qe vijojnë:

KREU I

EMERTIMI, OBJEKTI I VEPRIMTARISE, SELIA, REGJIMI JURIDIK

Neni 1

EMERTIMI

Ortakët vendosen që shoqërinë ta emërtojnë “Menzy” sh.p.k.

Neni 2

OBJEKTI I VEPRIMTARISE

Shoqëria ka këtë objekt veprimtarie:

Import-eksport dhe tregtimin e te gjitha llojeve te materialeve, makinerive pajisjeve dhe impianteve te ndryshme te karakterit elektrik, elektronik, te telekomunikacionit, te destinuar per objekte apo impiante civile dhe industriale.

Projektim, zbatim, mirëmbajtje dhe asistence teknike për Impiante elektrike civile dhe industriale, Automatizimin e linjave te proceseve te ndryshme Industriale, Automatizim civil



(Home Automation), Sisteme mekatronike, Sisteme BMS dhe Impianteve MNZ, sistemeve te sigurisë dhe monitorim me kamera CCTV.

Shoqëria mund te kryeje gjithashtu te gjitha operacionet tregtare industriale, mbi pasuri te luajtshme apo te paluajtshme, qe do te vlerësohen te nevojshme apo te dobishme për realizimin e objektit te shoqërisë si dhe te blejë pjesëmarrje ne kapitale themeltare te shoqërive te tjera qe kane objekt te ngjashëm apo te afërt me te vetin etj.

Projektim, ndërtim, mirëmbajtje dhe asistence teknike te centraleve gjeneruese për prodhimin e energjisë elektrike nga burime te rinovueshme si dielli ose era, Hidrocentrale dhe termocentrale.

Zhvillimin e trajnimeve ne fushën e Automatizimit Industrial dhe Civil.

Neni 3

SELIA E SHOQERISE

Selia e shoqërisë gjendet ne adresën, Rruga Ardeno, Nd. 67, Fushe Mëzez, Tirane.

Shoqëria mund të ndryshoje selinë e saj me vendim te Asamblesë se Ortakeve (ortakut te vetëm).

Neni 4

Shoqëria e zhvillon aktivitetin ne përputhje me legjislacionin shqiptar ne fuqi dhe me statutin e saj, ne territorin e Republikës së Shqipërisë dhe jashtë saj. Shoqëria mund të krijojë qendra sekondare, filiale, zyra përfaqësimi e agjenci ne qytete te tjera te Shqipërisë ose jashtë vendit.

Neni 5

Regjimi Juridik

5.1 Shoqëria është shoqëri me përgjegjësi te kufizuar. Veprimtaria e saj i nënshtrohet dispozitave te Aktit te Themelimit, Statutit dhe legjislacionit ne fuqi ne Shqipëri.

5.2 Me vendimet e tyre ortaket mund te ndryshojnë regjimin juridik te Shoqërisë n.q.s. ne te ardhmen krijohen kushte me te përshtatshme për funksionimin e saj. Ne ketë rast ortaket do te përshtatin Statutin e Shoqërisë, si dhe do te bëjnë regjistrimin e saj ne Regjistrin Tregtar ne organet kompetente shqiptare.

5.4 Shoqëria gëzon personalitet juridik nga data e regjistrimit te saj ne Qendrën kombëtare te Regjistrimit dhe ne përputhje me ligjin.

5.5 Shoqëria do te ketë vulën e saj.

Neni 6
FUSHA E AUTORITETIT TE ORTAKEVE

Fusha e autoritetit te ortakeve dhe përqindja e fitimeve dhe humbjeve do te kenë si kriter baze kapitalin e shoqërisë si dhe kompetencat qe gëzon ne marrjen e vendimeve te çdo karakteri, te përcaktuara ne ketë statut.

Neni 7

KONFIDENCIALITETI

Ortaket, si dhe personat e tjerë te pranuar ne shoqëri, bien dakord qe te mos i ekspozojnë asnjë personi te jashtëm informacionet qe do te disponoje shoqëria, kontratat qe ajo do te lidhe, si dhe planet ose qëllimet qe ajo ka për te ardhmen e saj.

Neni 8

Te gjithë aktet dhe dokumentet qe nxirren nga shoqëria dhe te destinuara për te tretet, si: letrat, faturat, lajmërimet dhe publikimet e ndryshme etj. duhet te tregojnë lexueshëm: emrin e shoqërisë dhe pas tij fjalët- shoqëri me përgjegjësi te kufizuar, ose inicialet-sh.p.k dhe emrin e administratorit.


Kreu II

TE DREJTAT DHE DETYRAT, KOHEZGJATJA

Neni 9

Te drejtat e Shoqërisë dhe te Ortakeve

- 9.1 Shoqëria ka te drejte te lidhe marrëveshje dhe te nënshkruaje kontrata ne territorin e Shqipërisë dhe jashtë saj .
- 9.2 Shoqëria gëzon te drejtën te krijojë pasuri materiale dhe intelektuale.
- 9.3 Shoqëria ka te drejte te marre pjese si ortake ne shoqëri ose ndërmarrje te ndryshme ne Shqipëri ose jashtë saj, ne përputhje me legjislacionin shqiptar.



9.4 Shoqëria përgjigjet ndaj te tretave vetëm dhe ekskluzivisht me kapitalin e saj shoqëror te derdhur dhe me te mirat e pasurisë se saj. Ajo ne asnjë rast nuk përgjigjet për detyrimet e ortakeve dhe as këto te fundit nuk mbajnë përgjegjësi personale për detyrimet qe merr përsipër shoqëria.

9.5 Ortaket kane te drejte te marrin te gjitha informatat qe kane te bëjnë me veprimtarinë prodhuese, projektuese, realizuese e tregtare te Shoqërisë, si bilancet, llogaritë ekonomike, etj.

9.6 Ortaket përballojnë humbjet e shoqërisë vetëm dhe deri ne kufirin e vlerës se kontributeve te tyre ne kapitalin themeltar.

Neni 10

Kohëzgjatja

Kohëzgjatja e Shoqërisë është me afat të pacaktuar.

Kreu III

KAPITALI THEMELTAR, KUOTAT

Neni 11

11.1 Kapitali themeltar është **100,000** (njëqindmijë) leke dhe është i ndare ne **2** kuota.

11.2 Ndarja e pjesëve ne kapitalin themeltar është :

- **Mentor Toma 1 kuote** përkatësisht **50 %** te shoqërisë me vlere 50,000 (pesëdhjetëmijë) leke.

- **Zyhni Dika 1 kuote** përkatësisht **50%** te shoqërisë me vlere 50,000 (pesëdhjetëmijë)leke.

Kapitali i shoqërisë mund te shtohet ose te pakësohet sipas vendimeve qe do te marrin Ortaket.

11.3 Ky kapital nuk mund te jete me i vogël se minimumi i përcaktuar me ligj.



Neni 12

Transferimi i pjesëve të kapitalit themeltar

12.1 Pjesët e kapitalit themeltar janë lirisht të transferueseje midis ortakëve të shoqërisë.

12.2 Pjesët e kapitalit themeltar mund t'u transferohen, nga ortakët, personave të treta, që nuk bëjnë pjesë në shoqëri, vetëm me miratimin e ortakëve të shoqërisë.

Kreu IV

DREJTIMI DHE ORGANET KRYESORE

Neni 13

13.1 Shoqëria gëzon personalitet juridik nga data e regjistrimit të saj në Qendrën Kombëtare të Regjistrimit dhe në përputhje me ligjin.

13.2. Emërtimi i shoqërisë tregtare, kapitali themeltar, NIPT-i duhet të jepen të përmendura në të gjitha aktet dhe dokumentet që nxjerr kjo shoqëri dhe ju drejtohen të treta.

13.3. Organet kryesore të shoqërisë janë: Asambleja e Përgjithshme e përberë nga ortakët dhe administratoret.

Neni 14

Asambleja e Përgjithshme e Shoqërisë

Asambleja e Përgjithshme përbehet nga ortakët e shoqërisë që është organi më i lartë vendimmarrës i shoqërisë dhe vendimet e tyre janë të detyrueshme. Të drejtat dhe detyrimet e Asamblesë së Përgjithshme ushtrohen nga ortakët. Të drejtën e thirrjes së Asamblesë e kanë Administratoret , Eksperti kontabël i autorizuar ose ortakët e shoqërisë. Asambleja e përgjithshme thirret nëpërmjet një njoftimi me shkresë ose me njoftim nëpërmjet postës elektronike.



Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakeve, jo me vonë se shtatë dite përpara datës së parashikuar për mbledhjen e asamblesë.

Ortakët mund të përfaqësohen në asamble nëpërmjet një përfaqësuesi, duke qenë i autorizuar me prokurë të posaçme, dhe të marrin vendime vetëm për ato çështje që diskutohen në mbledhjen për të cilën ata kanë marrë të drejtën e përfaqësimit.

Mbledhjet e asamblesë pasqyrohen në procesverbalin që mbahet me këtë rast, ndërsa vendimet nënshkruhen nga ortakët.

Procesverbalet e mbledhjeve ruhen në selinë e shoqërisë.

Të gjitha vendimet e marra nga ortakët regjistrohen në një regjistër të vendimeve, të dhënat e të cilit nuk mund të ndryshohen ose të fshihen.

Ortakët e shoqërisë kanë të drejtë të marrin vendime për çështjet e mëposhtme:

- a) Përcaktimin e politikave tregtare të shoqërisë.
- b) Ndryshime të statutit.
- c) Emërimin e shkarkimin e administratoreve.
- ç) Emërimin e shkarkimin e likuiduesve dhe të eksperteve kontabël të autorizuar.
- d) Përcaktimin e shpërblimeve për personat e përmendur në shkronja "c" dhe "ç" të kësaj pike.
- dh) Mbikëqyrjen e zbatimit të politikave tregtare nga administratorët përfshirë përgatitjen e pasqyrave financiare vjetore dhe të raporteve të ecurisë së veprimtarisë.
- e) Miratimin e pasqyrave financiare vjetore dhe të raporteve të ecurisë së veprimtarisë.
- ë) Zmadhimin dhe zvogëlimin e kapitalit.
- f) Pjesëtimin e kuotave dhe anulimin e tyre.
- g) Përfaqësimin e shoqërisë në gjykate dhe në procedimet e tjera ndaj administratoreve.
- gj) Riorganizimin dhe prishjen e shoqërisë.
- h) Miratimin e rregullave procedurale të mbledhjeve të asamblesë.
- i) Çështje të tjera të parashikuara nga ligji apo statuti.



Kreu V
ADMINISTRIMI

Neni 15

15.1. Shoqëria do të administrohet nga 1 (një) administrator, që mund të zgjidhet edhe jashtë ortakeve të shoqërisë.

15.2 Administratorët emërohen dhe shkarkohen nga Ortaket e shoqërisë

15.3 Administrimi i shoqërisë do të bëhet nga **Administratorët:**

Ortaket emëruan administrator të shoqërisë Z. Mentor Toma

15.4 Kohëzgjatja në detyrë e administratorëve të shoqërisë do të jetë **5 (pese) vjet** me të drejtë ripërtëritje në përfundim të mandatit.

15.5 Administratorët i kanë të gjitha të drejtat e fuqitë për drejtimin e zakonshëm të shoqërisë, me qëllim arritjen e objektivave të saj

15.6 Administratorëve i takon firma e lire dhe përfaqësimi i shoqërisë ndaj të tretëve në veprime, procedura dhe seanca gjyqësore, arbitrazhi ose administrative.

15.7 Administratorët janë përgjegjës, sipas rastit, ndaj shoqërisë ose të tretëve për shkelje të ligjeve, për shkelje të Statutit apo dëme të kryera gjatë ushtrimit të detyrës

15.8 Kompetencat kryesore të administratorëve në shoqëri janë:

- kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga ortaket.
- përfaqësojnë shoqërinë tregtare.
- kujdesen për mbajtjen e sakte e të rregullt të dokumenteve dhe të librave kontabël të shoqërisë.
- përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe së bashku me propozimet për shpërndarjen e fitimeve i paraqet këto dokumente përpara ortakeve për miratim.
- krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë.



- kryejnë regjistrimet dhe dërgon te dhënat e detyrueshme te shoqërisë , siç parashikohet ne ligjin për Qendrën Kombëtare te Regjistrimit.
- raportojnë përpara ortakeve ne lidhje me zbatimin e politikave tregtare dhe me realizimin e veprimeve te posaçme me rendësi te veçante për veprimtarinë e shoqërisë tregtare.
- kryejnë detyra te përcaktuara ne ligj dhe statut.
- administrimin e pasurisë se Shoqërisë, duke përfshire mjetet financiare, brenda caqeve te lejuara nga ortakët.
- kryejnë e te gjitha veprimeve bankare ne interes te shoqërisë me përjashtim te tërheqjes çash te vlerave monetare te depozituara ne banke për llogari te shoqërisë.
- te përfaqësoje Shoqërinë me te tretet ne te gjithë veprimtarinë e saj dhe te mbroje interesat e saj ne gjykate apo arbitrazh, nënshkrimin e kontratave ne emër te shoqërisë dhe ndjekjen e zbatimit te tyre.
- ti propozojnë ortakeve për miratim strukturën e aparatit te Shoqërisë dhe krijimin e organeve te tjera te domosdoshme për realizimin e objektivave te Shoqërisë .
- ti propozojnë ortakeve për miratim numrin e punonjësve te Shoqërisë, pagat dhe emërimin e shkarkimin e tyre

Neni 16

Marrëveshjet e ndaluara

16.1 Administratoreve ose ortakeve qe nuk janë persona juridike nuk u lejohe te kontraktojnë ne çfarëdolloj forme qofte, te marrin hua te shoqëria, te japin pëlqimin ne emër te saj, për paradhënie si dhe te behën dorëzanes apo te garantojnë ne emër te saj angazhimet ndaj te tretëve. Ne rast te kundërt kontrata është e pavlefshme. Kjo mase ndaluese zbatohet edhe ndaj përfaqësuesve ligjore te ortakeve qe janë persona juridike.

16.2 Kjo mase zbatohet gjithashtu ndaj bashkëshorteve, paraardhësve dhe pasardhësve te personave te cituar ne paragrafin e pare te këtij neni, si dhe ndaj çdo personi ndërmjetës.




Kreu VI

VITI FINANCIAR , LLOGARITE VJETORE, NDARJA E FITIMEVE

Neni 17

17.1 Çdo vit financiar fillon me 1 Janar dhe përfundon me 31 Dhjetor. Përjashtim bën viti i pare i cili fillon ne datën e regjistrimit te shoqërisë ne Qendrën Kombëtare te Regjistrimit.

17.2 Llogarite vjetore, inventari, raportet dhe operacionet e vitit financiar , raportet e veçanta te hartuara nga administratori dhe eventualisht eksperti kontabël i autorizuar, miratohen nga Ortaket.

17.3.Miratimi i dokumenteve mbi veprimtarinë vjetore behet brenda 3 muajve nga mbyllja e vitit financiar.

Neni 18

Kontrolli i Shoqërisë

18.1 Kontrolli i Shoqërisë kryhet nga një Ekspert Kontabël i Autorizuar, i emëruar nga ortaket.

18.2 Eksperti kontabël i autorizuar garanton qe llogarite vjetore te shoqërisë janë te rregullta, te hartuara me sinqeritet dhe pasqyrojnë rezultatet e vitit te kaluar financiar, si dhe gjendjen financiare te shoqërisë. Ai verifikon librat e llogarive, si dhe fondet e shoqërisë, kontrollon përshtatjen e kontabilitetit me ligjin ne fuqi, verifikon përputhjen me llogarite vjetore te informacionit dhe ne raportin e administrimit, kontrollon gjithë librat e llogarisë, dokumentet kontabël dhe regjistrat e proces-verbaleve. Mund te aktivizoje eksperte dhe bashkëpunëtorë për te përballuar volumin e punës, por duke marre me pare miratimin e ortakeve.

18.3 Shkarkimi i Ekspertit kontabël te autorizuar vendoset ne te njëjtat kushte si emërimi nga ana e ortakeve.

Kreu VII

PRISHJA DHE LIKUJDIMI I SHOQERISE

Neni 19

19.1 Shoqëria mund te prishet ne çdo kohe dhe për çfarëdo lloj shkakut, si ne rast falimentimi, privim të drejtave për te ushtruar aktivitet tregtar, forca madhore dhe faktorë te tjerë qe nuk varen nga Ortaket.

19.2 Shoqëria hyn ne fazën e likuidimit qe ne momentin e prishjes se saj. Për kryerjen e këtij procesi, ortaket emërojnë një ose disa likuidatorë, te cilët i paraqesin atij raportin mbi gjendjen

e aktivitet dhe pasivitet të Shoqërisë , mbi ndjekjen e operacioneve të likuidimit dhe afatin e nevojshëm të përfundimit të tyre

19.3. Në fund të procesit të likuidimit, ortakët vendosin mbi bilancin përfundimtar financiar, mbi aktin e rregullshmërisë së punës së likuiduesit, dhe mbylljen e procesit të likuidimit.

19.4. Pas pagimit të kreditorëve dhe shlyerjes së pjesëve të kapitalit themeltar tek kontribuuesit përkatës, likuidatori ndan kapitalet e mbetura për ortakët e shoqërisë.

Neni 20

Zgjidhja e mosmarrëveshjeve

20.1 Mosmarrëveshjet midis ortakëve, shoqërisë dhe të tretëve në rast se nuk zgjidhen me mirëkuptim, kompetente për zgjidhjen e tyre do të jete Gjykata e Rrethit Gjyqësor.

Kreu VIII

DISPOZITA TË FUNDIT

Neni 21

21.1 Për sa nuk është e parashikuar në këtë Statut , do t'i bëhet referim ligjit Nr.9901 datë 14.04.2008 "Për tregtarët dhe shoqëritë tregtare", si dhe legjislacionit koherent

21.2 Ky statut hartohet në 4 (katër) kopje, secila me të njëjtën vlerë ligjore. Njëra prej kopjeve ruhet në dokumentacionin bazë të shoqërisë.

ORTAKËT E SHOQËRISË "Menzy" SH.P.K.

Mentor Toma



Zyhni Dika

